

է, եւ իր խոչալական ձեւի մէջ, տեւականութիւն:

Ի զուր չէ, որ եկեղեցիներին, այն վայրը, ուր մարդկութեան ողբերգութիւնն է տեղի ունենում, անուանում են նաւ:

Եկեղեցին եւ նաւը նոյնանման են, որովհետեւ ասուածային բնոյթն են բնորաշում:

Եզրիպտական մշակոյթը Նեղոսի նաւարկումներէց է առաջ դալիս: Եփրատը ամբողջ իր հոգեկան փթթումներով, իջնում, գլորում է դէպի հարաւ: Կանգուն է միայն Հոմերոսը: Կայուն է կղզին, կայուն է նաւը, ու ծովը յաղթահարելուց յետոյ, Պղատոնը կարողանում է խօսել եւ Ֆիդիասը քանդակում է:

Ժայռոտ Բրիտանիայի ափերից մեկնող Տրիստանը տարօրինակ վիշապների է հանդիպում եւ, մի օր էլ, աւելի մօտ պռկած անյայտի եւ մահի ճիրանների մէջ, սպասում է նաւին, Իզոլդին, կեանքին:

Նաւը, նա՛ւը... * * *

Լաւ գրուած պոէմա: Համաչափ իր բոլոր մասերում: Կշիւք: Իտէալ կադմակերպութիւն:

Վերեւի աշատարակում նաւավարի հայեացքը հանդստօրէն չափում է հորիզոնը, ալիքը, խորութիւնը, մակերեսը: Աստղերը եւ հոսանքները տրամաբանական մտքի աստղծն են կազմում, քամիները դառնում են թուաբանական հաշիւ: Բնութիւնը եւ տարերային ուժերը մասնակցում են ռիթմական լինելութեան: Տիեզերքը ներկայ է:

Ամէն ինչ կարգաւորութիւն է եւ օրէնք:

Չանդակի ձայները արծաթէ զրամներ են նետում տարածութեան: Ամէն ինչ շարժւում է: Չուզենից ալիքների վրայ քայլող ոտքերով նաւաստիները քաշում են չուանները, բարձրանում կայմերի վրայ, շղթաները շարժման մէջ դնում, նաւակներ իջեցնում, շտապում, քրտնում:

Եւ ամէն ինչ կատարւում է անհրաժեշտօրէն, էական շարժումներով, օրգանապէս: Այստեղ մեքենան անանձնաւոր է եւ մաս: Նա իր դերը կատարում է ենթարկումի ճակատագրական հլութեամբ: Չի տեսնում, չի տիրապետում, ինչպէս գործարանում: Փայլուն պողպատէ եւ պղնձէ ծառան է նա, հսկայ ծան-

րութիւն՝ թեթեւօրէն սլացող նաւի թեւերի վրայ նստած: Նաւը միտք է եւ թոխչք, շարժուն կենսունակութիւն, աստղերի խորհրդաւոր օրէնքներով ղեկաւորւած: Զգայուն, վերին աստիճանի՝ բանաստեղծի պէս:

* * *

Ծովի հետ ունեցած իր յարաբերութիւնից կարելի է բնորոշել մարդը:

Կարելի է բնորոշել ժողովրդները:

Մենք հայերս, կուլտուրապէս, ծովի եւ լեռան երկու հակադիր սկզբունքների պայքարով ենք ապրել:

Լեռնային մարդը անհորիզոն է եւ սահմանափակ: Լեռը ստրուկօրէն ներկան է, ինքնապաշտպանութիւն եւ սահման: Այստեղ երկինքը ամպ է, մշուշ եւ իր պայծառութիւնը ոչ մի բանի մէջ չի արտացոլում: Լեռը ծանրութիւն է, բարձրացող ծունկերի վրայ կախուած քար, ճնշում: Մոռայ է եւ գրեթէ անփոփոխ: Մենակութիւն է:

Եթէ լեռնային մարդը անասունների տըրտում ընկերակցութիւնը չունենայ՝ կը մեռնի:

Ծովը լայն երզի մեղեդի է, հոսանք, թրուիչք եւ ապառայ: Բաց ճանապարհ է եւ աղմբկալից կենսունակութիւն: Ծովափերին օդը թրթռում է, արիւնի հոսանքը արագանում, մարմինը արթուն է, եւ կանայք սիրուել են ուզում:

Ծովը բոլոր կարելիութիւնների բանալին է եւ ցանկութիւնները վառող ջահակիրը:

Մեր նախնիքները ծովերը եզերող լեռների վրայ կանգ են առել, խրխնջող ձիերի վրայ բազմած:

Ու գրա մէջ է մեր ամբողջ զրաման:

* * *

Գիշերը ծով եւ նաւ խաղաղ են:

Լուսինը արծաթէ ոտքերով մեզ հետ քայլում է: Գալիս է հանգիստ, ցած ձայնով ոսկիների մէջ փայլելող մի առասպել պատմելով: Պարզուկ են խօսքերը, միամիտ՝ լոյսի եւ ստուերի խաղը: Նսեմացած է գոյների հակադրութիւնը. սկիհի վրայ նետուած է շղարջ. երգեհոնի երկու խողովակներն են երգում. մէկը ցած, միւսը բարձր:

Նաւը թեթեւօրէն առաջանում է, քիթը տնկած՝ ասպետի կուրծքի նման: Մերթ ընդ